

立招贅婿字人張蔣氏全天生下單有一女名喚萍涼年方廿三歲茲以長大成人
母子相議欲將萍涼招配于人是以前媒引就與王春前來進贅以爲夫婦即日經媒三
面言議實備出禮聘佛銀壹拾陸大元正其銀即日立字憑媒交收足訖氏隨即將女萍
涼交付王春擇吉良日進贅以爲夫妻後日生子及孫不論多寡男女總要傳繼張王兩
家香祀如或有積紫□家業亦歸張王均分而王春欲要奉侍蔣氏終身到老保此萍涼
明是氏全天生下之女與別人永無干涉亦無來歷交加不明情弊如有等情係氏一力
抵當此係二比甘愿各無抑勒反悔口恐無憑立招贅婿字壹幅付執爲炤

批明即日氏收過招贅字字內禮聘佛銀壹拾陸大元正足訖批炤

爲媒人 李保涼（花押）

陳查某（花押）

代筆人 林高山（花押）

場見人 張拱（花押）

光緒柒年拾貳月 日

立招贅婿字人 張蔣氏（花押）

